



BASES DO 4º CONCURSO DE ESCAPARATISMO DE NADAL - CONCELLO DE CULLEREDO -

Primeiro. - OBXECTO.

Con motivo das Festas do Nadal 2023 o Concello de Culleredo, mediante a Área de Dinamización Local, organiza:

4º CONCURSO DE “ESCAPARATISMO DO NADAL”

O presente concurso ten por obxecto promover a creatividade dos comerciantes á hora de presentar os seus establecementos e produtos durante as vindeiras datas de Nadal, para que sexan máis atractivas para a veciñanza, e que fomente a creación dun especial ambiente festivo, nestas datas tan sinaladas, nas rúas deste concello.

Segundo. –PARTICIPANTES.

Poderán participar no concurso todos os establecementos comerciais abertos ó público no Concello de Culleredo, calquera que sexa a súa actividade e sempre que teña escaparate.

Os comerciantes participantes terán plena liberdade no deseño e creatividade do seu escaparate sempre relacionado co nadal.

Terceira. – LUGAR E PRAZOS DE INSCRICIÓN.

A inscrición é de balde e as instancias admitiranse exclusivamente no modelo normalizado ANEXO I. As presentes bases poderán descargarse na páxina web www.omellorescaparatedeculleredo.com. O escaparate que participe no concurso ten que estar preparado antes do 2 de decembro e ten que permanecer ata o 7 de xaneiro, data fin do concurso.

Enviar a instancia ANEXO I, ao enderezo electrónico inscripcion@omellorescaparatedeculleredo.com, cuberta, xunto coas fotos do escaparate (nun máximo de 3 imaxes, en formato .jpg, .tif, .raw), importante enviar, como mínimo, unha imaxe horizontal e outra en vertical. A organización escollerá a mellor imaxe tomada para incorporala na web e será a imaxe que participe representando ao comercio.

Carta. – DESENVOLVEMENTO DO CERTAME.

A decoración do escaparate ten que gardar relación cos motivos de Nadal, que deben estar decorados e expostos, dende o 2 de decembro ata o 6 de xaneiro.

Os premios outorgaranse polo número de votos obtidos por cada escaparate, na páxina web do concurso facendo unha media coa valoración dun xurado profesional. A votación será única e para iso terase en conta á hora de votar o nome da persoa, o DNI, o correo electrónico, e o número de teléfono, e ademais de forma automática rexistrarase a IP dende a que está facendo o voto, non podendo repetirse ningún destes datos.

Poderá votar toda persoa maior de idade, e que poida entrar na web e faga o rexistro adecuadamente. O prazo de votación é dende o día 2 de decembro ata o día 6 de xaneiro. O día 7 de xaneiro será a publicación dos premios dos escaparates gañadores.

Os votantes entrarán nun sorteo final de 20 premios valorados en 50 € cada un, que terán que ser gastados nalgún dos comercios participantes neste concurso.



Quinta. – COMPROMISO DOS ESTABLECEMENTOS

Os establecementos que participen no certame estarán indicados cun cartel vertical tamaño (30x42cm) que mostra a súa participación e fomenta á votación do público, e que se lle entregará no comercio despois de formalizar a inscrición. O cartel deberá colocalo nun lugar ben visible do escaparate.

Sexta. – PREMIOS DOS ESCAPARATES

A votación dos escaparates farase on line dende a web do concurso e entre as datas 10 de decembro e 6 de xaneiro, ambos inclusive. Os tres escaparates que consigan máis votos serán os gañadores. O número de votos estará visible por cada participante e na propia web durante a duración de todo o concurso.

Os premios outorgados serán:

1º PREMIO: a montaxe de 3 escaparates durante todo o ano 2024, feito por un profesional do sector do escaparatismo de recoñecido prestixio e un coste de material de 70 € por escaparate.

2º PREMIO: a montaxe de 2 escaparates durante todo o ano 2024, feito por un profesional do sector do escaparatismo de recoñecido prestixio e un coste de material de 70 € por escaparate

3º PREMIO: a montaxe de 1 escaparate durante todo o ano 2024, feito por un profesional do sector do escaparatismo de recoñecido prestixio e un coste de material de 70 € por escaparate.

Os premios inclúen a montaxe, a colocación do produto e o material de atrezzo necesario para cada escaparate valorado en 70 €. Cada decoración de escaparate esta valorado en 330 € e o deseño estará realizado por un profesional de recoñecido prestixio. O escaparate realizado ten que permanecer un mínimo de 30 días exposto.

Todos os premios serán publicados na web do concurso e na web do concello, ademais publicarase nas redes sociais do Concello.

Sétima. – PREMIOS DOS VOTANTES

Os votantes rexistrados adecuadamente entrarán nun sorteo a celebrar o día 7 de xaneiro de 2024.

Cada persoa poderá votar na páxina web a un só escaparate, non podendo emitir máis votos a mesma persoa. A persoa a de ser maior de idade e vivir dentro da provincia da Coruña.

O premio outorgado será unha tarxeta moedeiro con 50 € para gastar só nos comercios participantes neste concurso. Haberá ata 20 premios para 20 votantes rexistrados adecuadamente.

Despois do sorteo, o día 7 de xaneiro, contactarase coa persoa mediante teléfono previamente rexistrado para comunicarlle o premio, e terá que presentarse no concello de Culleredo para a recollida do premio, amosando o seu DNI para certificar o seu nome co gañador.

Todos os premios serán publicados na web do concurso e na web do concello, ademais publicarase nas redes sociais do Concello.

Oitava. – ACEPTACIÓN DAS BASES

A participación no IV CONCURSO DE ESCAPARATISMO DE NADAL supón a total aceptación das presentes bases, así como do proceso de votación xerado na web. Para calquera cousa non establecida nestas bases o Concello de Culleredo será a entidade que decida como proceder en cada caso.

ANEXO I

SOLICITUDE DE INSCRIPCIÓN NO 4º CONCURSO DE ESCAPARATISMO DE NADAL

DATOS DO ESTABLECEMENTO:

Nome comercial do establecemento co que quere aparecer na presentación do seu escaparate: _____

Enderezo do establecemento: _____

Nome da persoa do contacto: _____

Teléfono fixo do comercio: _____ Móbil persoal: _____

Breve descrición do seu comercio (colocarase tamén na web de presentación do seu escaparate) (máx. 200 caracteres)

DATOS DO SOLICITANTE/TITULAR/PROPIETARIO

Nome e apelidos _____

NIF: _____ Enderezo: _____

Localidade: _____ C.P.: _____ Teléfono fixo _____

Correo electrónico: _____ Teléfono móbil: _____

De conformidade coa Lei Orgánica 15/1999, do 13 de decembro, de Protección de Datos de Carácter Persoal, informámoslle que os datos recollidos na presente solicitude de inscrición, incorporaranse nun ficheiro responsabilidade da empresa Diseño Ferial de Galicia S.L., co-organizadora do Concurso de Escaparates do Concello de Culleredo, coa finalidade de que vostede poda participar neste evento. Informámoslle que os seus datos serán publicados na páxina web do concurso, como participante e en todo caso como gañador de dito concurso, e nas redes sociais usadas polo concurso como facebook, twitter ou instagram, así como noutras plataformas de interese para a promoción do concurso.

Así mesmo, tendo en conta que para promocionar o concurso van a publicarse imaxes nas que vostede ou o seu escaparate pode aparecer, solicitamos conformidade coa Lei 1/1982 do 5 de maio sobre o dereito ao honor, á intimidade persoal e familiar e á propia imaxe, o seu consentimento para usar as imaxes captadas.

AUTORIZO

NO autorizo

Poderá exercer os seus dereitos de acceso, rectificación, cancelación e oposición, nos termos que establece a Lei, ao enderezo: Rúa Mendaña de Neira, 24 baixo, 15008 A Coruña, ou por correo electrónico escribindo a privacidad@difega.es

Mentres non nos indique o contrario entenderemos que os seus datos están actualizados. No caso de producirse algunha modificación dos seus datos, pedimos que poda comunicárnolo por escrito, por carta o por correo electrónico descritos anteriormente, coa finalidade de manter a información actualizada.

Coa firma da presente solicitude de inscrición, entendemos que ofrece o seu consentimento para o tratamento dos seus datos de acordo cos termos xa expresados.

Cofecendo a normativa de referencia así como as bases legais do concurso, acepto o compromiso de someterme as mesmas.

Culleredo, a ____ de _____ do 2023.

Asinado: _____